

慈利縣志卷之六

俗尚之變厥與政通禮義誇詐漸染靡同一變至道
難易殊方衆人蚩蚩匪教則聾惟彼民牧師帥具叢
示之從違敦本是崇習與善安永協平蕩志風俗其
目有四曰本業曰習尚曰歲時曰雜占

本業

環慈皆業山田多逼阨山谷間導水於高者注之伐
山為業山高氣常蓄聚久鬱不散則成瘴毒農民往
往依厓澗縛草為屋植籬以障內外臨坪之田土膏

慈利縣志

卷六

一

肥而用力易其居深山者刀耕火耨謂之鑿畬潘希
魯詩云種粟惟便火耕岩稜慣刀此其大凡也又有
茶椒漆蜜之利暇則摘茶採蜜割漆捋椒以畜貿易
其女人俱以紡績為業濱河者多依漁營生剡木為
舟畜鷓鷄數十持網罟下河頗足自給但地瘠農惰
啻窳偷生而亡積聚是其故態也

論曰讀邵庶詞云慈田磽地瘠農惰而貧地瘠則多
勞力民貧則無佚心惟其多勞力少佚心也則易以
為善惟其地瘠民貧也則難勝上人之科求為民父

母者可殖利以自封乎

習尚

慈俗尚愿朴民以佃獵漁罟為生而無外慕衣服儉素無絲紵文綺至大家子弟亦不敢服華衣以見人賦性悍直有小忿則悻悻難忍然類多為身家計不至輕訟以蕩產士亦知談理道習攻文辭耻奔競彬彬可觀而科目寥然無聞豈非其風氣之未亨與婚娶不計資送雖饑寒迄不敢萌盜心女已出醮猶服三年喪于父母非有賓祭大事不特殺鷄鶩有二代

慈利縣誌

卷六

二

愿厚之風焉至於婚不親迎角尚鬪勇病則刲牲祈禱喪則歌鼓雜哀誠方輿勝覽所云頗有蠻風者論曰古人有云表端則影正令者民之表也導之以善則善導之以惡則惡慈之俗以愿厚稱至于今則漸漓矣由淳而趨漓也易由漓而返淳也難孔子曰齊一變至於魯魯一變至於道至道固難矣司化紀者慎勿導魯而之齊也哉

歲時

正月朔日邑之人無問貴賤長幼咸此往彼來交相

拜賀謂之賀正翌旦寺觀僧道擊鐃鳴鼓為各家收
瘟復作絺船設懺悔以遣瘟里巷各祭土穀祠以希
一年之慶望日夜張燈於市兒童笑歌戲舞鼓聲達
旦曰開元宵二月廿有七日各會首備人舟設牲醴
迎秀峰之神神到河街士女皆焚香禮祭畢導入歇
馬祠至三月朔日行街祭祀者前後幕次相屬迎送
者肩摩而踵接焉是夕搜城隍祠明日始還又明日
官備特牲常祭清明日拜掃丘隴者彼此紛紜然農
之下秧自茲日始俟其時插各家携酒在田交賀長

腰鼓聲村郭徧喧教畢而罷四月八日寺僧為設浴
佛會炊烏米飯誦經禮懺以希福果五月端午邑人
划龍舟飛旗伐鼓交獎星馳謂之競渡又謂之救屈
原薄暮乃已初十日亦然人多尚淫祠夏秋不雨則
憑巫打洞請水又各立壇迎神以祈禱之秋冬夜排
門戶設素齋會隣憑老師降三聖神以詢吉凶謂之
做鬼一謂之續神瓦鼓鈴刀之聲不絕長夜人有喪
必擇吉日始成服親賓咸齋酒饌以娛其哀情主人
亦自備酒饌相與飲啜脩營婚葬之事必於歲終以

爭竣之臘月二十四日晝則祓屋塵夜則祀竈神歲除之日為男女者則又持酒備物各於親黨宗族之家交相為禮以終一歲之事焉

論曰余觀慈歲時之舉事固有依稀於古禮者亦有悖謬於古禮者依稀者明其義而舉之悖謬者褫其事而廢之不可以為移風易俗之一助云

雜占

正月一雞二犬三猪四羊五牛六馬七人八穀其日晴生物育陰則災元宵初日占百果申日晚稻未日

慈利縣誌

卷六 四

早稻諺云雨打上元燈早禾一束稿

二月驚蟄雷鳴至本月多雨次月妨農

三月三日聽蛙聲午前鳴高田熟午後鳴低田熟唐詩云田家無五行水旱卜蛙聲

四月立夏日青氣見東南吉否則歲多災立夏與小滿日宜雨諺云立夏不下高田莫耙小滿不滿芒種不管

五月夏至得雨豐稔之兆諺云夏至在月頭一邊喫一邊愁夏至在月中耽閣難米翁謂米價平也

六月立秋在月稍則早稻遲諺云六月立秋要到秋
七月立秋不到秋

七月七夕以前占天河影沒三日而復見則穀賤七
日而復見則穀貴

八月秋分一日不宜晴中秋月光則無魚雲重則知
次年元宵多雨諺云雲掩中秋月雨打上元燈

九月自一日至九日凡北風則穀價賤以日占月可
知諺云重陽無雨一冬晴

十月一日宜晴諺云十月初一晴柴炭兩樣平

慈利縣誌

卷六 五

十一月冬至日青雲見於北方吉應來歲豐稔否則
主旱災

十二月大寒小寒多風雪傷六畜雪三下則蝗入土
九尺諺云其年三白來年多豐

四季甲子春甲子雨赤旱千里夏甲子雨搖船入市
秋甲子雨禾頭生耳冬甲子雨雪飛千里此唐俚語

民間占之多驗

論曰占候之術雖非授時之正法然其談水旱災祥
時或竒中故擇其有關於分至啓閉者存之以為農

事資焉亦庶幾敬授民時之意也



慈利縣志

卷六

六